



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Vita Reverendi Patris Vincentii Carafæ, Septimi Societatis  
Jesu Generalis**

**Bartoli, Daniello**

**Leodii, 1655**

Cap. VIII. Vincentii fortitudo studiumq[ue] disciplinæ religiosæ.

**urn:nbn:de:hbz:466:1-42928**

placuerit. Denique numquam litteris  
ullis chirographum adscribebat, quin  
S. Vincentio, sibi utique cognomini &  
Patrono, negotium iis contentum com-  
mendaret.

## C A P U T V I I I .

*Vincentii fortitudo, studiumq;  
disciplina religiosa.*

**E**xposita Sancti nostri Generalis con-  
stantiâ, legislatoris constitutiones in  
omni regimine intuentis, ejusque pru-  
dentiâ singulari, (quæ duo in omnes par-  
tes rectæ gubernationis pertinent) de-  
scendimus, hoc & sequenti capite, ad eas  
virtutes, quibus velut instrumentis pro-  
ximis, atque ad illam imprimis necessa-  
riis usus est. Quarum prior, fortitudo  
animi lenitate mixta; posterior, lenitas  
mixta fortitudine. Namque alteram ab  
altera si prorsus sejunxeris, continuò ex  
virtutibus vitia fient, illâ in asperitatem,  
hac in ignaviam degenerente. De prio-  
ritate illius  
adver-  
sus ho-

re igitur ut prius agamus: Sicuti Vincentii  
supremus magistratus non fuit aliud,  
quam

quam honorata siquidem, sed mera servi-  
tus Numinis, Societatis instituto propria,  
ita quidquid ad illam spectabat, utcum-  
que arduum, summa animi contentionē  
effectum dabat. Nec deesse poterant illi  
tantam provinciam tractanti, fortitudinis  
probandæ occasiones, neque illis ipse.  
Acerrima illius pugna pro bono Societa-  
tis nomine, rebusque instituti nostri fuit,  
eaque partim adversus externos, partim  
etiam adversus domesticos. Quemad-  
modum enim in vasto ac fertili agro no-  
xiæ herbæ furtim nascuntur, ac deinde  
propalam caput exerunt, quas necesse  
est in tempore extirpari: sic in Societate  
per universum Orbem terrarum diffusā,  
frequentissimāque, abesse non potest in  
tantā naturā humanā pravitate, quin  
subinde inter bonos nonnulli latitent ma-  
li, & cùm occasio tulerit, superbū ver-  
ticem attollant: quos cùm diu frustrāque  
corrigere studueris, velut stirpitus evulsos  
foras projici oporteat. In his celebres  
fuere tres, animis & errore juncti; eò pe-  
riculosiore, quod sibi divinitus illustrati  
viderentur: quibus denique Societatem  
liberare Vincentius coactus est. Iis spiritus

I

nescio

nescio quis, certè quidam ater, non modò peregrinus, fœdè imposuerat, ut neglegtis sanctissimis Instituti (quod addito etiam quarto voto professi erant) legibus, suis ipsi ad perfectionem tendere, aliquique, si sors daret, ducere vellent. Accedebat morositati peryicacia, Potentum fulta autoritate, eò quæsita, ut suavi salutarique pœnæ se subtraherent. Cùm igitur iis emendandis omnes lenitatis rationes frustrà periclitatus esset, tandem fortiter omnes adegit, ut cum suis commentisne perfectioris vitæ an deliramentis è Societate facesserent. Fuit præterea quispiam, quem tanquam insito in Societatem odio & per nequitiam corroborato delectabat, clandestinis scriptis ad illius ludibrium, criminacionemque compositis, eam lacerare. Et quasi in matrem amantissimam satis impius per se esse nequiret, externos, æquè malevoli acerbique ingenii homines, ad idem impulerat. Ita illius curas & tamquam puerperii lactationisque labores degener ac spurius compensabat. Hunc cùm certis vestigiis Vincentius deprehendisset; primùm probè convicit sceleris, tum evulsum è Collegio,

VINCENTII CARAFÆ. Lib. I. 131

legio, ubi firmissimas radices egisse videbatur, exportari in aliud jussit, ubi eas dedit poenas, quibus terreri queant, si quos forsan eadem rabies sollicitabit. Quoniam autem ejusmodi refractarii, Magnatum quorumdam potentiam & auctoritate ad praesidium & impunitatem provinciae nitebantur, Vincentio frequens erat tutumque ad pedes Summi Pontificis Innocentii X. perfugium. Qui quod explorata haberet rectissimam Generalis nostri mentem omnis sinistri de aliis judicii, pravaeque affectionis expertem, nec non insigni prudentiam praeditam, nimisrum non modo illum benignè audiebat ut communis omnium Religiosorum Ordinum Pater; sed, ut est revera ex S. Ignatii voto, & maximâ suâ voluntate, proptium Societatis Protectorem ei se praebebat. Usque eò ut Vincentii in se fiduciam, & ejusmodi tutelam sibi acceptam esse testatus sit, non sine S. Fundatoris nostri laude, quod in Summorum Pontificum clientela Societatem esse voluerit.

Neque admodum mirum est, Pontificem ei singulariter adversus domesticos

Et ad-  
versus  
exter-  
nos

I 2

Instituti



instituti nostri hostes adfuisse, cùm Deus prodigiosam manum contra externos commodarit. Potentissimus quidam Prorex falsis delationibus imbutus, pertinaciter oblistebat, ne Regno cui præterat, pedem inferret quidam è nostris, ad lustranda illius Collegia à Vincentio missus. Diluit per litteras Proregis suspicionem vir Sanctus, instititque abs eo summississimis precibus, ut Visitatori fungi officio liceret: addidit avertendis obtrectatorum calumniis, quæ fortè timeri possent, effecturum se ut bona cum Regis venia res conficeretur. Sed frustrà omnia. Cùm igitur conatus humanos in irritum caderre vidit, ad Deum confugit, ut cor illius Dynastæ emolliret, cui cor Rgis & Principum in manu est. Cumque re cum ipso humillimè communicata, annuere sibi Numen, Sanctum Ignatium rem cordi habere persensisset, scriptis ad quemdam è Patribus nostris in ea urbe degentem, ubi Prorex erat, litteris, hæc mandata dat. Vincentii nomine Proregi renuntiet conceptis verbis: Rationem hanc ingredi sese Societatis regimini, illudque perturbandi oppidò displicere S. P. N.

Ignatio:

Ignatio: augurari Proregem poenas datum  
rum injuriæ hujus, atque ad majus Reli-  
giosæ familiæ bonum, inhibendum ab  
eo, quem ponebat, obice. Ita scripsit,  
minasque pœna non plumbeo pede secu-  
ta est. Prorex namque subitâ febri cor-  
reptus est, simulque haud levi timore  
mortis. Sed qui febrim immiserat, etiam  
ejus remedium menti ægrotantis sugges-  
fit. Dum enim hunc Pater ille solatii &  
officii causâ adiret, sine mora admissus  
in conclave, hisque exceptus est verbis.  
Scribat Reverentia vestra, R. P. Generali,  
ipsum mihi S. Francisci Xaverii instar esse.  
Tum præ nimio è febri dolore, in aliud  
latus se convertens, Patrem spondæ insi-  
dere jussum, ultro voluit scribere ad Vin-  
centium, mitteret Visitatorem in illud  
Regnum, quandocumque luberet. Quod  
& ab eo Patre præstitum. Cumque ille  
adventaret, misit Prorex, qui sua ipsius  
triremi exceptum, in regnum introduce-  
ret. Ne autem cuiquam dubium esset,  
morbū eò dumtaxat eum invasisse, quod  
Inspectorem Regno pertinaciter exclu-  
deret; ut primū litteræ liberi illius in  
regnum ingressus expeditæ, & ipse Prorex

morbo expeditus est. Deinde Vincentii operâ precibusque febrim immissam fuisse, ex eo ipso perspicuè cognitum est. Nam respondens illi Patri, à quo de tota re certior factus erat, fidenter, ut amico intimo ita scribit. *Atque ut arcanum aliquid Reverentiæ Vestræ soli pandam, quod continet ad Proregis ægrotationem, illam petii à Domino, ex toto, sed nunc non requiram.* Porrò Vincentium exinde Prorex tanta reverentia prosecutus est, ut numquam nisi sanctum appellaret. Adeo nimirum ratum hîc fuit tritum vulgi ore proverbium, tum demum sanctis credi, dum patrant miracula.

Vincen-  
tii stu-  
dium  
religio-  
se disci-  
plinæ

Venio nunc ad ardens illius constans-  
que studium religiosæ disciplinæ, quod &  
fortis animi est, & primùm in Societatis  
nostræ paupertate (quam S. Ignatio au-  
thore fortissimum Religiosi Ordinis mu-  
rum appello) numeris omnibus absolven-  
da eluxit. Itaque ut vitio illi contrario  
(quod proprietatem Ascetæ vocant) adi-  
tum omnino obstrueret, etiam pietatis  
instrumentis, ut lipsanothecis, iconibus  
sacris, & ejusmodi, si quæ pretiosa essent,  
nostros privatim uti vetuit. Nam in  
pretio

pretio ornatuerque talium rerum proprii  
amoris lenocinium inest. Deinde sen-  
tentiis de pecuniarum usu apud Religio-  
sos permisso laxioribus, quamvis quibus-  
dam bonæ notæ Theologis receptæ sint,  
prorsus interdixit. Quidquid item spe-  
ciem habet negotiationis profanæ, mer-  
catûsve, Collegiis nostris exclusit, quæ-  
cumque rei familiaris necessitas utilibus  
pactis obtenderetur. Jam alienissimus  
erat à parvis Collegiis admittendis. Ut  
enim in exiguo foco ignem, sic in pusillo  
hominum numero religionis ardorem  
difficilè foveri: collegia ejusmodi pro-  
pter oppidorum infrequentiam, cùm otio  
abundent, seminaria vocari posse Nostro-  
rum inertiae: denique necesse esse in  
illis per quandam epiicheiam connivere  
laxationi legum, solutionive disciplinæ:  
quoniam solitudo ipsa hominibus eam ex  
instituto non profitentibus pro rigidâ  
disciplina esse solet, & locus nonnullis  
pro exilio. Quocirca dum Provinciæ  
Neapolitanæ præfuit, non pauca istius-  
modi recusavit: nimirum quæ oppida  
Fundì, Venafrum, Ortona, Stibium, Ros-  
sanum, haud frigidè petebant: quæ

universa amplius bis centena millia du-  
catorum ad eorum fundationem obtulê-  
re. Neque unquam persuaderi illi potuit,  
ut Residentiam Paulensem in Collegium  
mutaret. Quin & conatus est erectum  
Monopoli Collegiolum solvere. Quam-  
quam non commisit, ut in illis oppidis  
collegiorum opportunitates ad anima-  
rum salutem desiderarentur. Quippe cer-  
tis ac commodis anni temporibus ferven-  
tes ac validos è nostris operarios cò de-  
stinabat: maximo populorum emolu-  
mento, nullo Societatis dispendio: at  
compendio potius, quando extraordina-  
riis laboribus virtus & industria acuun-  
tur. Porrò in Collegiorum lustrationibus  
pauca quidem constituebat, sed volebat  
accuratè impleri: satis gnarus non legum  
multitudine, quæ gravis est etiam robu-  
stis, sed observatione stare ac florere  
Rempublicam. Quod si in Collegii ali-  
cujus inspectione decreta sua per Mode-  
ratoris incuriam neglecta deprehende-  
ret, & hunc puniebat pro meritis, neque  
isto Collegio discedebat, nisi confectâ re,  
quam imperaverat, vel affecta, vel certè  
inchoatâ. Atque ita cum Rector quispiam,  
fenestram

feneſtram, per quam proſpectus quidem  
amœnus, at æquè noſtris noxiuſ erat, ob  
rerum mentem ad ſe male diſtrahentium  
obviam ſegetem, obſtruī non curaſſet,  
ut à Vincentio fuerat imperatum; eò ipſe  
poſt reverſus non priuſ pedem extulit,  
quam feneſtram muro obductam conſpe-  
xiffet. Ad hæc cenſebat delictis publicis  
poenaſ publicaſ ſemper imponendaſ, ne  
reis iteratoſ peccandi audacia, aliis eos  
imitandi libido gliferet. Præterea num-  
quam obtineri ab eo potuit ut ad Soci-  
tatem denuo admitteret, quos ex ea fe-  
mel dimiſerat. Etenim hujusmodi ad-  
missionis facilitate ſollicitari incoſtantef  
ad egressum, repulſā firmari in ea, ſibique  
ad mortem uſque conſtare. Societatem  
(utpote matrem optimam) numquam eò  
ſeveritatis venire, ut filios cariſſimos do-  
mo ejectos velit, niſi longâ ingeniorum  
animorumque periclitatione ac toleran-  
tia, correctionis indociles agnoverit. Et  
verò rem lubricam, valdeque incerti exi-  
tūs videri, nec ſatiſ prudentibus proban-  
dam, ſperare ab illis emendationem, cor-  
roborata multorum jam annorum ſpatio  
mali conſuetudine, quam toties tantoque

nisu quæsitam, nondum adultâ malitiâ obtainere nequiveris. Usu demum ipso constare, qui Deo ac Societati fidem voto obstrictam semel fefellerint, non difficilè denuo fallere, denuo expellendos.

Præser-  
tim in  
oratio-  
ne o-  
mnibus  
cōmu-  
ni, & ju-  
vētutis  
nostræ  
pietate  
procu-  
randâ

Porrò orationis matutinæ, quæ mente per horam integrum ex legum nostrarum præscripto continuatur, itemque binorum per dicim examinum conscientiæ penso neminem eximi yolebat, utcumque gravia multaque negotia urgerent: neque momentum temporis, quoad fas erat, sacro illi tempori perire patiebatur. Quippe non modo religionem cæterasque virtutes iis niti noverat, sed & felicem negotiorum successum: facile autem accidi, aut integrum prætermitti cultus divini tempus, ex inertia mera, si semel negotiorum causâ accidere consueveris; natura scilicet ad prætexendas commodis suis causas semper promptâ & ingeniosâ. Emicabat nominatim hoc Vincentii studium in eo, quod etiam Provincialis, omnes à Rectoris conclavi ad infimi cujusque cellas eo tempore per se ipse lustrabat. Nec minori curâ ferebatur ad providendum, ut quisque semel per anni interval-

intervallum exercitationibus spiritualibus , idque de Societatis instituto octo aut decem diebus , & in singulos tribus aut quatuor horis orationi quæ solùm mente fit, vacaret. Si quis autem iis defungi nequivisset , Provincialibus manda- verat, ut se de homine, ejus impedimen- to, & impedimenti gravitate, certiorem facerent. Adeo rem hanc cordi habebat, quippe quæ religionis ignem perennibus negotiis sopitum , velut ingestu novo pa- bulo una inter reliquas maximè suscitat. Præterea quod probè intelligeret Socie- tatis juventutem , ejus velut sobolem at- que adeo spem esse, sedulò eam excoli curabat. Quare modò singulos privatim, modò uniuersos publicè , quà monitis, quà exhortationibus , quà efficacissimis industriis urgebat , ut pro virili quisque gratiæ divinæ, vocationis beneficio , no- strorumque expectationi non impares progressus in virtute facerent. Cùm Nea- poli Rectorem Collegii ageret, minimum semel in singulas hebdomades rationem conscientiæ sibi ab iis redi jubebat: quo tempore propriis documentis instructos, ad studium solidarum virtutum accen- debat

debat singulos, præcipuè verò ad generosam in omnibus victoriam de se prævisque animi affectionibus reportandam. Certis quoque temporibus in unum locum coactos, ad sectandam perfectionem asceticam omnes animabat. Cumque velut receptâ ex illius ore ac pectore flammâ effervescerent, ultrò roganum culpas palam prædicari ac puniri sinebat. Et quoniam vacationum à studiis tēpore, quo Scholastici nostri necessariae ingeniorum relaxationi ad vineam mitti solent, periculum est, ne pietatis studium in nonnullis justo solutioribus intepescat, multiplici arte sanctus Pater detrimentum cavebat, Jobique ritu pro filiis convivantibus precantis, ipse dum sui honestæ recreationi se commodant, voluntarias pœnas precésque cumulabat; idque unicè flagitabat piissimam eorum matrem, Immaculatam Deiparam, ut saltem ne deteriores, quam ei crediderat, inde reciperet.

Quod si quis ab officio deflexisset, nāque animæ ab ea amo-  
damnis- turæ, ut sit, ac juventæ præcipiti cæcōque impetu, hunc paternè admonitum venia licndis scilicet donabat. At si correctio parum prodeffset,

prodeisset, domo Collegiove amittebat  
furdis ad preces auribus, ne membrum  
corruptum alia inficeret. Numquam ju-  
nioribus usum librorum inutilium, nedum  
periculorum permisit. Et si cuiuspiam  
in musæo poëta, aliûsve author minus ca-  
stus deprehenderetur, ejus lectorem ad  
tirocinium ablegabat, ut istie castimoniæ  
severioris præcepta, artémque sui fran-  
gendi è codice crucis condisceret. Quon-  
dam cùm Neapoli, in manibus unius è  
Nostris junioribus, ingeniosi sanè ac pro-  
bi, Jerosolyma Tassì, Poëtæ Itali, inventa  
fuisse, eum ad viliora culinæ ministeria  
per aliquot dies obcunda amandavit, ne-  
quidquam excusantem nobiles Poëtæ il-  
lius inventiones sibi tum temporis hu-  
maniora docenti usui esse posse. Habebat  
porrò id temporis ac loci conciones ad  
populum vir meritis clarus. Hic partim  
amicorum rogatu, partim suamet ado-  
lescentis commiseratione, istius delicti ac  
pœnæ gratiam poposcit Vincentium. At  
ipse cā nec factā nec negatā, *Tu verd.*  
inquit, *mi Pater, vadēmne huius gratiæ,*  
*te mihi apud Supremum Judicem spondes?*  
Perculit ea vox hominem, ut ne verbum  
quidem

quidem contra hiscere auderet. Ita pœnam reus exsolvit omnem; verùm magno animæ compendio. nam majore salutis curâ susceptâ, alium hominem induit. Quo factum ut cùm aliquot pòst annis missionem in Indias Orientales obtinuisset, etiamnum inter strenuissimos vineæ illius Apostolicæ operarios numeretur. Nempè medicamentum est pœna: dum noxia submovet, vigorem animis non reddit modò, sed adjicit: si præsertim ob perspectam periti medici benevolentiam avidè hausta est. Certè Vincentius subditorum animas pro suis habebat amabatque. Neque minus sibi, quàm illis ex eorum culpâ timebat, sæpè animo volvens succinctum illud, sed emphaticnon Gregorii: *Penset ergo qui ad satisfaciendum distrito judici de sua tantummodo anima fortasse vix sufficit: quia quot regendis subditis præst, reddenda apud eum rationis tempore, ut ita dicam, tot solus animas habet.*

urgebat  
alios  
maxi-  
mè exé-  
plo suo. Cæterùm non aliàs magis, quàm execundo, legum executionem urgebat. Contra quam Præsides nonnulli, qui dum leges facile frangunt, fragiles eas faciunt: dumquæ

dumque mollius vivunt, & pauca a se,  
simul ab aliis multa, nec satis leniter  
exigunt. Itaque præcipuum ad virtutem  
momentum sancti Generalis vitæ, religio-  
sissimisque moribus inerat. Tunica illius  
talaris, quam sotanam vocamus, pauper  
& detrita, cubiculum omni familiarí su-  
pellectile nudum, rara in omnibus animi  
demissio, modestissimusque corporis ha-  
bitus, et si aliquorum judicio minus ido-  
nea erant ad tantam personam dignè su-  
stinentiam, tamen revera extollebant  
eam potius, quam deprimarent. Maxi-  
mam verò vim vel eorum aspectus ani-  
mis nostris faciebat: quin & cogi vide-  
bamur ad nostri contemptum: utique  
indignum rati, & probro plenum, si quis  
melior conditione esse vellet, quam ipse  
Generalis, genere inclitus, dignitate  
summus, virtute eximius. Siquidem non  
posse nos non intimè commoveri, cum  
æquaret ille primulum tironem obser-  
vatione minimarum legum: dimidiaret  
verba ad campanæ silentium indicentis  
pulsum: non sibi vel hoc sumeret pro su-  
premâ potestate, ut præter regulam do-  
mum per templi fores subiret, etiam dum

largus.

largus imber adigebat: ad primum item nolæ examen conscientiæ sonantis pulsum vel maximi ponderis interrumperet consultationes: non caperet ullum ab immensis negotiis levamen: at lætitiam ex abjectione ad vilissima miserorum ministeria, mœroremq; ex honore: denique cùm impleret omnia, quæ S. P. N. Constitutiones exigunt. Hæc, inquam, omnia disciplinæ virtutisque tuendæ augendæque maxima ex omnibus præsidia erant. Constat enim leges, apud ingenuos non tam pœnis, quàm majorum exemplis fanciri.

## C A P U T I X.

*Suavitas ejus regiminis.*

**V**Irum quidem, ut vidimus, patrém que se gerebat Vincentius in Sociorum familiâ gubernanda: at etiam matrem. Eoque hanc propensiùs, quòd suavitas illi ingenita, severitas præter in-

Euna  
matrem  
exoriū-  
tur a-  
groti.

dolem erat. Experti in illo matrem ægri imprimis, quos utique oculi sui pupillam vocare consueverat: manifesto indicio eos